

直隸秦州新志卷之五上

武備 關隘砦堡附

秦州舊志有儀制邊防兵戎三卷方明時套寇深入烽火達隴上

聖朝撫有萬邦西夷北虜咸我外臣不可言邊防但志武備可也顧其不志儀制何也舊志所陳

朝賀拜

詔迎春護日諸典禮天下郡邑或不甚殊固非此州所獨又其於祭禮特詳如文廟籩豆樂舞之屬具

直隸秦州新志

卷之五 武備上

列名數蓋載在 會典頒諸郡邑更從同同者也

而纖細陳之竊嫌稍泛惟太昊廟爲此州獨專寥參片幅難成卷帙謹詳建置篇中武備則隨時隨

地殆各不同不可無志焉耳周秦尚矣漢有護羌

校尉唐有隴右節度防禦等官而軍制無特繫此州者宋以來乃頗可著今皆條次於篇明朝衛所

似唐府兵而歲久法敝洎乎末造流寇縱橫不聞釋耒奮戈以固吾圉豈非尺籍徒存戎政久墮耶國初承敝易變別立軍府向所謂若砦若屯者地

歸疆索人均編戶與齊民無異然一代之制奚可  
闕也聊爲諮考故實併舊志闕隘砦堡之可徵者  
都存梗概若乃管鑰雍涼襟帶隴蜀扼塞地利繁  
古交爭自西周東漢便苦戎羌典午中葉上邦闕  
於蜂蟻宋氏南渡河池競於戈鋌是誠百戰之場  
也諸志鮮載兵戎秦州志有之潼關志亦有之皆  
因地起義匪藉叢談實留殷鑒而或疑爲駢枝不  
亦誤哉乃證諸列史刪其迂遠補其缺漏附武備  
篇末意謂似迂實切此州所專故也志武備第五

直隸秦州新志

卷之五

武備上

二

舊兵戎別爲卷今不欲多立篇目故以顛附而其  
文已繁仍釐爲上下卷云

西漢文帝後六年二月發材官屯隴西

武帝元狩三年秋詔減隴西等三郡戍卒之半

東漢明帝永平元年七月募士卒戍隴右

安帝永初元年春三月詔隴西徙襄武備羌寇

順帝永和四年九月令扶風漢陽築隴道塢三百所

置屯兵

西魏恭帝三年以宇文毓爲大將軍鎮隴右

後周明帝初元二年冬十月遣柱國尉遲迥鎮隴右  
隋文帝命屈突通覆隴西牧簿得隱馬二萬匹按馬政亦  
戎政也  
故繫之

唐初得突厥馬二千匹又得隋馬三千匹於赤岸澤  
徙之隴右監牧之制始於此

太宗貞觀二十年八月踰隴山關次瓦亭觀馬牧

代宗大歷六年春二月詔李抱玉專備隴坻

懿宗咸通四年春二月置天雄軍於秦州隸成河渭

三州

直隸秦州新志

卷之五

武備上

三

僖宗中和二年十月王鐸置關於沮水七盤三溪木  
皮嶺以遮秦隴

後唐明宗時吐蕃數為寇而秦州無亭障雄武節度  
王思同列四十餘柵以禦之

周廣順中點秦州稅戶充保毅軍宋因之為鄉兵

宋太祖開寶初立保毅弓箭手分戍鎮砦

太宗太平興國二年秋七月曹瑋築清水城及四砦

淳化四年知州溫仲舒徙洛門羌部於渭北有言仲

舒生事者後內侍藍繼宗還言得地甚利乃召仲舒

拜戶部侍郎

至道元年秦州立廣銳營指揮

真宗咸平初秦州極邊保毅弓箭手止置千人

咸平六年秦州置神虎營指揮一

景德中鎮戎軍曹瑋言有邊民應募爲弓箭手者請給以閒田蠲其徭賦有警可參正兵爲前鋒而官無資糧戎械之費詔人給田二頃出甲士一人及三頃者出戰馬一匹

大中祥符七年知秦州張佖置大洛門新砦

直隸秦州新志

卷之五

武備上

四

仁宗景祐二年罷秦州造輸京師弓弩

寶元初秦州置清邊弩手指揮五

康定初增置秦州建威營

慶歷初詔悉刺保毅弓箭手爲保捷軍惟秦州增置及二千人

慶歷二年詔秦鳳路置都作院

慶歷四年升秦州廂軍定功營指揮一爲禁軍

慶歷八年升秦州建威營爲禁兵指揮一

慶歷中秦州併外砦置蕃落指揮十七增置保捷營

指揮八

慶歷中指揮使周美城清水安定等十一堡

慶歷中詔秦州置場以券市馬

皇祐五年涇毅總管程戡上言陝西保毅近歲止給役州縣無復責以武伎自黥刺爲保捷而家猶不免於保毅之籍今秦州僅三千人久廢農業請罷遣詔自今敢私役者坐之

至和元年詔陝西轉運使司以銀十萬兩市馬於秦州歲以爲常

直隸秦州新志

卷之五

武備上

五

嘉祐五年薛向言秦州券馬至京師給置並路費一馬計錢數萬請於原渭州德順軍置場收市給以解蓋交引卽不耗度支縑錢

嘉祐七年陝西提舉買馬監牧司奏舊制蕃漢人月募得良馬二百至京師給綵絹銀枕腰帶錦襖子蕃官回紇隱藏不引至者並以漢法論罪今原渭德順軍置場市馬請如秦州例施行詔從之

嘉祐八年宰臣韓琦言秦州永寧砦舊以鈔市馬自修古渭砦在永寧之西而蕃漢多互市其間因置買

馬場凡歲用緡錢十餘萬蕩然流入虜中實耗國用  
先是詔議買馬利害吳奎等議於秦州古渭永寧砦  
及原渭德順軍各令置場京師歲支銀四萬兩緡絹  
七萬五千疋充馬直不足以解鹽鈔並雜支錢給之  
詔行之至是因琦言詔復置場永寧罷古渭砦中場  
蕃部馬至徑鬻於秦州

嘉祐以前秦州券馬歲至萬五千疋

仁宗時隴右蕃酋蘭毡獻古渭州地秦州范祥納之  
請繕城屯兵又括熟戶田諸羌斲之相率叛詔戶部  
直隸秦州新志

卷之五

武備上

六

使傅求往視以爲城已訖役不可棄但諭羌衆及其  
田

英宗治平元年詔秦州成紀等六縣有稅戶弓箭手  
砦戶及四路正充保毅者家六丁刺一九丁刺二有  
買保毅田承名額者三丁刺一六丁刺二九丁刺三  
悉以爲義勇先是治平二年詔陝西四路駐泊鈐轄  
秦鳳梁實等各管勾本路蕃部團結強人壯馬預爲  
經畫寇至則老弱各有保存之所仍諭實等往來蕃  
帳受其牒訴申其屈抑察其反側者羈縻之勿令猜

出以萌釁隙實等至蕃部首領稱詔犒勞齎以金帛籍城砦兵馬計族望大小分隊伍給旗幟使各繕堡壘人置器甲以備調發仍約如令下不集押隊首領以軍法從事自治平四年以後蕃部族帳益多而撫


御團結之制益密秦鳳路砦十三強人四萬一千一

百九十四壯馬七千九百九十一三陽砦十八門三十四大部族四十三

三姓一百八十族總兵馬二千四百六十七隴城砦五門五大部族三十四小族三十四姓總兵馬二千

千五十四弓門砦二大門十七部族十七姓十七小族總兵馬一千七百四

族九姓九小部族總兵馬三百六十治方砦二大門二大部門二大部族十一姓十一小族總兵馬一千八十

直隸秦州新志  卷之五 武備上 七

靜戎砦門三計大部族十六姓十六小族總兵馬六百二十五定西砦四門四大部族十六姓二十八

族總兵馬六百外不在今州境者不錄

治平四年郭達言秦州青鷄川蕃部願獻地請於川

南牟谷口置城堡募弓箭手以通秦州德順二州之

援斷賊入寇之路

神宗熙寧元年詔秦州神虎營缺勿補

熙寧二年兵部上陝西十郡砦戶舊籍四萬餘今惟

秦鳳有砦戶

熙寧三年王韶言渭原城而下至秦州威紀傍河五

六百里良田不耕者無慮萬頃治千頃歲可得三十萬斛知秦州李時中論韶指極邊見招弓箭手地恐秦州益多事其後韓維知秦州乃言實有古渭寨弓箭未請空地四千餘頃乃從韶議行之 其年廢秦州建威營其秦州並外砦蕃落指揮併五爲四 熙寧六年併秦州清邊弩手指揮爲三

熙寧七年設秦鳳領兵列將五又有漢蕃弓箭手各附諸將而分理焉

建隆以來廂兵馬軍騎射在秦州者有保節武提司直隸秦州新志

卷之五

武備上

八

牧等名熙寧後更定軍制而名多依舊

熙寧中於熙河置買馬司而以秦州買馬司隸焉

元豐三年以後諸路義勇皆改爲義勇保甲

元豐五年五月同提舉成都府等路茶場蒲宗閔乞自秦州至熙州量地里遠近險易置車鋪二十八招刺兵士從之又提舉熙河營田康識言四砦堡見缺農作廂軍許於秦鳳等路選募詔從之

元豐八年詔罷秦鳳路置場集教弓箭手令經畧司購求工人習教所宜立法



哲宗元祐中直閣陸師閔請令蕃漢商人願持馬受券者於蜀秦兩路印驗給之而請直於太僕若券盛行則買馬場可罷用其策而效詔賜金帛

紹聖中以羨茶轉入熙秦市戰騎蠻驅馬來市官第其良弩爲二等上者送秦州

元符元年鍾傳奏乞權於熙秦兩路輟耶新城內土田並招弓箭手以充武備從之

徽宗建中靖國元年減放秦鳳路土兵

高宗紹興三十二年五月復置提舉秦州買馬監命

直隸秦州新志

卷之五

武備上

九

四川總領官兼權其職

孝宗隆興初秦蜀沿邊關隘悉爲金毀宣撫使安丙移書時相請修築

寧宗開禧中因天水縣當金人西入路乃升縣爲軍統制張威爲守

金宣宗興定二年九月置秦關等處九守禦使

金秦鳳經畧使張中彥以秦州當要衝而城不可守徙治北山因險爲壘又築臘甲諸城以扼蜀道

元置秦州萬戶又置禮店文州蒙古漢兒軍民元帥

府屬吐蕃宣慰司

明洪武中置秦州衛屬陝西都司統於內右軍都督府又四年十一月即元禮店文州軍民元帥府置禮店千戶所十一年屬岷州衛十五年改屬秦州衛

統志不分州縣

秦州衛官下共十八指揮其姓曰吳曰侯曰向曰陳曰沈曰蔣曰黃曰尹曰郭曰于曰周曰孫曰席曰田曰結王曰學張曰南張曰大院王

共十千戶一鎮撫曰黃曰胡曰劉曰石曰何曰北堅直隸秦州新志

卷之五 武備上 十

曰南堅曰北高曰南高曰大掛王曰趙鎮撫

共十六百戶曰孫曰趙曰阮曰潘曰夏曰陳曰上劉

曰上李曰下李曰土王曰劉武曰朱寧曰中王曰上

張曰中劉曰下張

外左所共十百戶曰孫曰趙曰喬曰旺劉曰上李曰

富李曰上王曰上旺曰興王曰劉武 上旺非姓舊傳如此

中所共十百戶曰豐曰盛曰潘曰寧曰朱曰范曰中

王曰上張曰中劉曰下張 豐盛非姓舊傳如此按舊志明制指揮使五人指揮

同知五人指揮僉事十人署指揮僉使二人幕鎮撫二人屬左所正千戶二人副千戶三人百戶八人中

所正千戶二人副千戶三人百戶七人試百戶二人  
鎮撫一人與此數不盡合今依掾吏所傳舊冊記之  
從外撥來鞏昌衛三百戶曰田曰大有曰汪孟闕

非姓汪孟闕三  
兆州衛一百戶曰洮百戶  
鞏洮二衛不係

此州武備皆  
國朝裁衛以後分其地散  
屬各州邑而來屬者今既在州故附錄之

關七曰石關東九十里曰石嶺東南九里曰現子俗訛為燕

子東南一曰野牛東南一百六十里曰黑谷南七十餘里曰石榴

南九十里曰木門山隘西南九十里接西和

砦四十曰沙隴頭曰橫河谷曰翟家平曰社樹平曰

馬跑泉曰馬房山曰東柯谷曰花南務曰卧牛山曰

直隸秦州新志 卷之五 武備上 七

白石谷曰紅崖子曰原店曰甘澗谷曰賈家川俱州東南

曰小江谷曰呂二溝曰瓦子平曰平闌川曰杏樹灣

曰青草嶺曰草川曰牡丹園曰普岔谷曰馬鞍山曰

姚家莊曰皂郊堡曰徐家店曰茹林平曰店頭廟俱州

西曰百頃原曰北稻務俱州東北曰呂家平曰剪子嶺曰

旄牛谷曰蜘蛛谷曰鹹泉谷曰花蘭頭曰鉄爐坡曰

松樹坡俱州西曰三陽川在州北宋時各砦畧已見前又今官城外西南中城外

東南傳為衛所後砦然  
無城垣蓋為藉水所崩

堡三曰皂郊州南三十里曰劉溝不詳其處曰蝸牛北三十里

三陽川卽伏羲封臺 若堡皆依舊志  
列之今未必盡有也秦安禮縣亦然

砲位大將軍砲一圓五寸五分長四尺三寸重一百六十觔 小將軍砲

八五分長二尺二寸重八寸八分長一圓三寸七分長一尺九寸重一百六十觔

一圓四寸三分長一尺九寸重八寸八分長一圓三寸八分長一圓三寸七分長一尺九寸重一百六十觔

一圓三寸七分長一尺九寸重八寸八分長一圓三寸八分長一圓三寸七分長一尺九寸重一百六十觔

一圓三寸七分長一尺九寸重八寸八分長一圓三寸八分長一圓三寸七分長一尺九寸重一百六十觔

一圓三寸七分長一尺九寸重八寸八分長一圓三寸八分長一圓三寸七分長一尺九寸重一百六十觔

一圓三寸七分長一尺九寸重八寸八分長一圓三寸八分長一圓三寸七分長一尺九寸重一百六十觔

一圓三寸七分長一尺九寸重八寸八分長一圓三寸八分長一圓三寸七分長一尺九寸重一百六十觔

直隸秦州新志

卷之五

武備上

十一

勦虎尾砲二十八圓三寸一分長二尺一寸重五十八觔

三十二圓三寸一分長二尺一寸重五十八觔

圓二寸五分長二尺一寸重五十八觔

二尺三寸重六十九觔

五分重三十五觔

一圓二寸五分長二尺一寸重五十八觔

寸五十分長二尺一寸重五十八觔

二尺三寸重三十五觔

一圓一圓一寸六分長二尺三寸重三十五觔

長二尺五寸 以上共砲位三十八

皇清順治初總督孟喬芳奏置遊擊一員留守標兵千  
人順治十六年衛所俱裁併歸州康熙十四年改設  
副總兵二十二年仍攻城守遊擊

今官則遊擊一員中軍千總一員左右哨把總各一  
員經制外委千總一員把總一員

兵則掾書十四名目兵三十五名馬戰兵九十七名  
步戰兵三十二名守兵二百一十名併營馬九十七  
匹

軍器什物威遠砲三位弓一百八張箭四千三百枝

直隸秦州新志

卷之五

武備上

三

鳥鎗一百六十七杆鉄盔甲九十七副棉盔甲二百  
一十副帳房五十八頂旗分六隊每隊大旗一小旗  
五紅旗一

汛地則自州屬五縣外兼轄鞏昌府伏羌西和兩縣  
千總等官分地設防本州爲中軍千總汛地

文衙門民壯三十名

分撥三岔鎮二名  
實在二十八名

秦安縣

分鞏昌衛五所共二千一百戶

前所百戶八回姓同胡同張同崔同陶同鄭同大王

曰前王

中所百戶四曰連曰武曰董曰侯

右所百戶四曰周曰朱曰盧曰前南

後所百戶五曰馬曰山曰川曰孫曰徐張

山川非姓徐張兩姓

合一百戶以上自康熙初分轄秦安縣

又分洮州衛二旗岷州衛九旗西固所十旗

俱自雍正七年

分轄秦安縣按秦安清水徽縣明朝皆無衛所自國初分鞏昌等諸衛地於各州縣因徵收屯糧沿存

百戶等舊名其實非武備也然不得如此志也若兩當則並未分衛地矣

關四曰馬頰

北三十里古為關遺趾存

曰躔移

北四十里古為關遺趾存

曰碧

直隸秦州新志

卷之五

武備上

古

玉

西北一百一十里俗名閉門關

曰卧馬

東北一百四十里古為關今廢

砦三十有一曰啞叭曰乾磴城

東十里

曰白鶴灣

二十里

曰高峰

四十里

曰九龍山

六十里

曰獅蠻

九十里

曰卧馬關

百曰花山

南五里

曰刻家灣

三十里

曰田家溝第七溝曰

中砦下砦

俱東南十五里

曰上砦

二十里

曰觀耳峽

西二十里

曰墨

土山

三十里

曰扁坡

西南三十里

曰玉鐘

北二十里

曰錦帶山

四十

曰河西

西北五里

曰岳家堡

二十里

曰曜紫嶺

三十里

馬家溝曰上砦中砦下砦

四十里

曰神仙嶺

西北六十里

曰

總砦

東北三里

曰好地嶂

四十里

曰馬駱川

七十里

堡五十有一曰河西曰娑羅灣曰西斷山曰馬頰曰  
安川曰武峽曰大山曰第七溝曰田夾溝曰東川曰  
圓樹曰中嶺曰黃演灣曰羅池曰乾湫二曰馬頰二  
曰高堦曰南濟川曰隴城曰斷山二曰乾湫曰石峽  
曰南山曰三旬川曰照坡曰高妙二曰麻峪曰宜磴  
曰錦帶曰煖泉曰把龍曰業蓋坡曰拔步曰隴灘曰  
葉甲曰玉鐘曰南嶺曰水夾峽曰王甲曰亂鉄山曰  
高甲曰神坡曰了中曰鷄川曰閉門閔曰琵琶曰衍  
閣曰卧龍曰螺泉曰郭嘉

直隸秦州新志

卷之五 武備上 五

秦州營左哨把總汎地無分防署但遣兵駐防

縣民壯二十名

清水縣

有鞏昌衛前所後所岷州衛五寨皆雍正七年來屬細目不詳

閔一曰大震閔東七十里卽盤龍閔唐太宗時吐蕃入大震閔卽此地

砦四曰康穰西十五里宋開寶曰冶坊北四十里宋

築在卧牛山東管小砦六曰靜戎西北五十里宋太平興國中曰

弓門北七十里宋太平興國中築在赤城川東坡上

頗詳故  
附錄之

堡十四曰杜家東四里曰化林曰申家俱西七里曰大原

百曰竇家曰花延俱北二里曰杏林五十里曰常家六十里

曰谷麻七十曰崔家曰冶坊曰到鈴俱八十里曰任家

百曰如刺峽東北八十里州志所載如此今多不

錄於後 堡十曰床穰西二十里牛頭山下鎮白石古

邊臨川德威廣武 曰華林三十里曰白石西北四十里

定挾一十四堡 曰華延北二里曰舊城三十里曰冶坊四十里曰橋子

古道永安博望 曰大元曰杏林俱五里曰鉄石六十里曰

峪麻七十里右縣志所載除華延冶坊杏林峪麻以

直隸秦州新志 卷之五 武備上 六

化林而遠近不合然共注所載二十餘 堡今亦多不存矣其現存者再列於後 堡十曰床

穰曰西城曰橋子曰舊城以上縣志所有曰杏林州縣志俱有曰

白沙曰盤嘴曰任崔俱東三十里其曰任崔或即曰

倒淋北六里曰臘家北九十里以上現

秦州營左哨把總汎地東門有行署爲駐防之所

縣民壯二十名 禮縣

明初爲禮店千戶所設正千戶二人副千戶四人百

戶七人鎮撫二人今但傳其百戶曰嚴曰劉曰徐曰



馬曰上張曰北楊曰南楊餘俱無傳又撥來鞏昌衛  
文縣所西固所其千百戶官數與其姓俱無傳亦未  
詳何時撥屬禮縣

關八曰潭渡東南百八十里曰夾箭嶺南百二十里曰銀尾北九十里

曰牛春西南八十里曰野麻二百里曰洮平西二百里曰尖岔北八里

十曰大樹百

砦三十有六曰紅土山東四里曰高坡山東十里曰浦濟

灣二十里曰黑漆廟曰長道俱四里曰隔虎谷六十里曰簸

箕灣曰梨園谷曰搭子山俱七里曰保子山曰左谷溝

直隸秦州新志 卷之五 武備上 七

曰稍谷溝俱八里曰南丹谷曰寬川子曰余旗曰黑谷

曰馬槽溝俱九里曰北坡曰橫河俱百曰翟家南十里曰

漢陽曰人山溝俱二里曰水磨川曰雷王山俱六里曰核

桃山曰西谷溝俱八里曰麻池子曰泉谷俱九里曰大潭

百二里曰窰谷曰沙馬山俱北三曰高家山曰秋子山

曰杏樹俱四里曰上河壩曰平泉俱五里

堡一曰祁山東四里

秦州營外委千總汎地無行署時撥兵設防

縣民壯二十名

徽縣

明時為州共設六所三十三旗其所曰雷曰殷曰顏

曰大陳曰長王曰小王

雷所隸六旗曰易曰劉曰袁曰錢曰池曰胡

殷所隸五旗曰周曰李曰唐曰溫曰張

顏所隸五旗曰何曰吳曰孫曰楊曰張

大陳所隸六旗曰陳曰徐曰舒曰高曰黃曰孫

長王所隸五旗曰劉曰顧曰彭曰嚴曰陳潘陳二姓共一旗

曰胡

直隸秦州新志

卷之五

武備上

六

小王所隸六旗曰徐曰王曰王大曰陳曰林曰李

接收文縣六所內共三十三旗

關四曰木皮嶺西三十里唐曰仙人關東南六十里

吳玠兄弟蜀口有鉄山棧道之隘即此曰

鷄冠山東南五十里縣志以為境之險

峒堡無分共三十三即三十三旗曰大門鎮曰徐旗

峒曰舒家塢曰黃沿峪曰黃岐山曰孫旗峒以上大

皆距城一曰易家窟曰掌官峒皆距城一曰袁旗峒

距城一百曰錢家塢距城二曰白草坪距城二百曰

九十里

胡成砦 距城二百三十里以上雷所轄 曰楊掌官砦 曰胡家溝 皆距城二

百一 曰彭旗砦 曰縻川子 皆距城一百八十里 曰顧旗砦 距城二百

里以上長 曰唐旗砦 共二百一十里 曰李旗砦 距城百

王所轄 曰周旗砦 距城二百 曰楊旗砦 距城二百八十 曰牛

聾川 曰江洛鎮 共二旗分 曰仲家砦 曰柳家塢 曰黃家塢

西處皆距城八十里 曰馬家灣 曰立斗峪 共二旗分與

城六 曰瓦池子 距城九 曰掌官砦 距城一百九十里

貢册 如此

秦州營右哨把總汛地有分防署在北街

直隸秦州新志 卷之五 武備上 十九

縣民壯二十名

兩當縣

明朝未嘗設所近來亦未嘗分他處衛地從來亦不

傳有閑隘與各砦

堡二十四 曰小尖山 東十里 曰剪子崖 二十里 曰紅崖寺

二堡四 曰太渠鎮 一百二十里 曰文家 曰四郎 俱南二十里

龍頭 三十里 曰李家 曰大塢 曰紅崖坪 皆四十里 曰綫家灣

五十 曰後川 九十里 曰趙家 西五里 曰喬家 二十里 曰蒲家

曰周家 曰魚池寺 俱三十里 曰王家 四十里 曰透川 五十里 曰

鄭家

八十里

曰縣川

西北一里

曰王家崖

北二十里

曰太陽寺

北

十里諸堡皆現在民居非武備也然亦重門禦暴之義故從諸縣刻於此志之

秦州營右哨把總汎地無分防署但遣兵駐防

縣民壯二十名

直隸秦州新志卷之五上終

直隸秦州新志

卷之五

武備上

九

直隸秦州新志卷之五下

歷代戎事附

周

宣王元年命大夫秦仲征西戎西戎殺秦仲

六年遣仲子莊公伐西戎破之於是復秦仲後及其

先大駱大邱地

幽王十年由餘八國及綿諸緄戎翟獯之戎歸秦襄

公

桓王十四年秦武公伐邽戎取其人來置邽縣

直隸秦州新志

卷之五

武備下

安王十八年秦獻公初立欲復穆公之迹兵臨涇首

滅狄獯戎

漢

高帝二年諸將略地拔隴西騎都尉靳歙等擊章平

軍於隴西破之定隴西六縣周勃攻上邽取之

高后六年夏匈奴寇阿陽

阿陽屬天水

文帝十四年冬匈奴入邊遣周舍等三將軍軍隴西

北地上郡

武帝元朔二年衛青出雲中以西至隴西擊胡之樓

頰白羊王

元狩二年春三月驃騎將軍霍去病將兵出隴西擊匈奴其夏驃騎復與合騎侯數萬騎出隴西

元鼎五年秋西羌反

六年冬發隴西天水騎士遣將軍李息郎中令徐自爲征西羌平之

宣帝神爵元年春三月先零羌楊玉叛夏四月遣後將軍趙充國擊之秋七月充國擊叛羌叛羌多降

元帝永光二年秋七月隴西羌多姐旁種反詔右將

直隸秦州新志

卷之五

武備下

二

軍馮奉世將兵擊之八月遣奮武將軍任千秋領五校與右將軍並進大破之

王莽時遣寧始將軍廉丹大發天水隴西騎士擊西南夷

更始元年秋成紀隗崔隗義上邽楊廣冀周宗推崔兄子囂起兵應漢攻平襄殺莽大尹李育

平襄縣在伏羌縣西

北稱囂爲上將軍囂立高廟於邑東

平襄之東門

東漢

光武建武元年冬十二月囂歸自長安復據天水自

稱西州上將軍鄧禹承制命囂爲大將軍得專制涼州

二年春正月延岑反李寶破岑岑走天水入散關八月赤眉引兵欲西上隴隗囂遣楊廣逆擊破之

六年夏四月遣耿弇蓋延等七將軍從隴道伐蜀五月隗囂反使王元據隴坻諸將因與囂戰大敗各引兵下隴囂追之馬武殿拒殺數千人諸將乃還冬十二月囂乘勝遣王元行巡將兵下隴馮異祭遵擊破之

直隸秦州新志

卷之五

武備下

三

七年秋隗囂將金梁守畧陽漢兵不得進

八年春來歙將兵徑回中襲略陽斬囂將金梁據其城囂使王元拒隴坻牛邯據瓦亭自率兵圍略陽夏

閏四月漢遣竇融帥五郡太守及羌虜小月氏等擊

囂進軍上隴以書招牛邯下之囂衆悉降囂奔西城

從其將楊廣

西城者西縣城也在今秦州上邽縣西南隅或以西城爲縣名誤

田弇

李育保上邽畧陽圍解五月漢帝勞賜來歙進幸上邽誅囂子恂使吳漢岑彭圍西城耿弇蓋延圍上邽秋九月楊廣死冬十月岑彭壅谷水灌西城王元行

巡將蜀兵卒至漢軍大驚元等決圍殊死戰遂得入城迎囂歸冀漢兵退天水隴西復反爲囂

九年春正月隗囂卒王元等立囂子純爲王據冀城公孫述遣將助純使王元與領軍環安拒河池漢帝遣馮異擊之遣蓋延西擊街泉畧陽清水諸屯聚皆定之秋八月詔來歙帥馮異等五將軍討純於天水十年春正月馮異破公孫述將趙匡於天水斬之冬十月來歙等攻破落門隗純降王元奔蜀先零羌與諸種寇隴西來歙帥蓋延等進擊大破之斬首虜數千人隴右悉平

直隸秦州新志

卷之五

武備下

四

十一年夏四月先零諸羌寇隴右六月公孫述使王元據河池來歙蓋延擊破之述使盜刺殺來歙用馬成代之冬十月馬成等破河池復因隴西太守馬援擊破先零羌徙降羌置天水隴西

二十年夏五月匈奴寇天水下隴坂遂至扶風冬十二月復寇天水

中元二年夏四月燒當羌滇吾滇岸寇隴西天水兵敗於白石死者千餘人冬十一月遣中郎將竇固捕



虜將軍馬武討破之

明帝永平十五年冬駙馬都尉耿秉奉車都尉竇固

將兵屯涼州議擊匈奴

十六年春二月遣耿秉竇固等帥隴西天水募士及

羌胡萬騎出張掖伐匈奴

章帝建初二年夏六月燒當羌叛金城太守郝崇討

之敗績羌遂寇漢陽秋八月遣行車騎將軍馬防等

擊之

三年春馬防耿恭擊羌破之

直隸秦州新志

卷之五

武備下

五

元和三年秋九月燒當羌號吾寇隴西

迷吾同反號吾先入

督烽掾李章追之生得號吾將致諸郡號吾曰獨殺

我無損於羌誠得生歸必悉罷兵不復犯塞隴西太

守張紆放遣之羌即為解散各歸故地迷吾退居河

北

章和元年春以隴西太守張紆為校尉屯臨羌秋紆

擊羌斬其帥迷吾其子迷唐據大小榆谷以叛

二年冬十月以鄧訓為護羌校擊迷唐次年春破之

和帝永元二年秋七月遣冠軍侯竇憲屯涼州

五年冬十月護羌校尉貫友攻逃唐於大小榆谷走之

九年秋閏八月燒當羌逃唐寇隴西脅塞內諸羌擊破隴西殺

大夏長大夏縣屬隴西郡遣行征西將軍劉尚越騎校尉趙

世等擊破之

十三年秋八月護羌校尉周鮪等擊逃唐種人悉降

分徙漢陽隴西逃唐遠踰發羌居羌別種

安帝永初元年夏六月騎都尉王宏發隴西漢陽諸

降羌西迎段禧諸羌復叛懼遠斷隴道詔赦其罪冬

直隸秦州新志  卷之五 武備下 六

十二月詔車騎將軍鄧騭征西校尉任尚屯漢陽以

備羌

二年春正月鄧騭至漢陽諸羌擊敗騭軍於冀西冬

鄧騭使任尚等與滇零等戰於平襄屬漢陽郡尚敗績冬

十一月詔鄧騭還留任尚屯漢陽節度諸軍

五年秋九月漢陽人杜琦全弟季貢同郡王信等與

羌通謀寇陷上邽十二月漢陽太守趙博遣刺客殺

杜琦

六年夏六月遣侍御史唐喜討王信破斬之滇零昌

復以杜季貢爲將軍

元初元年夏六月羌豪號多掠漢中斷隴道校尉侯  
霸與戰破之

二年春護羌校尉龐參以恩信招諸羌號多等帥衆  
降秋九月龐參與左馮翊司馬鈞擊零昌參至勇士  
東爲杜季貢所敗引退

四年春二月護羌校尉任尚遣羌殺杜季貢秋九月  
任尚募種羌號封刺殺零昌十二月任尚與騎都尉  
馬賢擊羌狼莫大破之西河種羌降隴西平

直隸秦州新志

卷之五

武備下

七

五年冬十月度遼將軍鄧遵募羌殺狼莫

建光元年秋八月燒當羌麻奴入寇護羌都尉馬賢  
擊破之

延光元年十一月燒當羌麻奴詣漢陽太守耿种降  
順帝永建元年二月隴西種羌反護羌校尉馬賢擊  
破之

陽嘉三年秋七月種羌良封等寇隴西漢陽拜馬賢  
爲謁者鎮撫諸羌冬十月護羌校尉馬續擊良封破  
之

四年春二月謁者馬賢擊種羌大破之殺良封

永和四年九月且凍羌寇武都燒隴關

即大震關今清水盤龍鋪

五年夏五月且凍羌內寇以馬賢為征西將軍屯漢陽

六年春正月馬賢與羌戰敗績死之羌復寇隴西三月趙种討破之

漢安元年冬罕羌降

二年夏四月護羌校尉趙冲及漢陽太守張貢擊燒當羌於參蠻破之冬閏十月趙冲擊燒當羌於阿陽

直隸秦州新志

卷之五

武備下

八

破之

建康元年春領護羌校尉衛瑒追擊從事馬元斬之

元為諸羌誘出塞隨諸羌亡

趙冲追叛羌遇伏與戰死之

冲帝永嘉元年春二月左馮翊梁並以息信招叛羌降之隴右復平

桓帝延熹二年冬十二月燒當等八種羌叛寇隴右護羌校尉段熲擊破之

四年冬十月先零沈氏羌寇涼州

五年春三月皇甫規討隴右東羌遣使乞降涼州復

通

初規發先零諸種羌共討隴西而道路隔絕秋七  
車士疫死者十三四規親為撫視三軍感悅

月烏吾羌寇漢陽隴西諸郡兵討破之

六年隴西太守孫羌擊滇那羌破之冬十二月復以

段熲為護羌校尉

七年冬十月段熲擊當煎羌破之

八年閏五月段熲擊西羌大破之斬首二萬三千級

獲生口數萬人降者萬餘封熲都鄉侯

九年秋七月鮮卑誘諸羌復反

靈帝建寧元年破羌將軍段熲連破羌寇餘羌悉散

直隸秦州新志

卷之五

武備下

九

入漢陽山谷

二年夏五月遣謁者馮禪說降漢陽散羌段熲復遣

司馬田晏等擊破之羌潰復聚熲與司馬張愷等奮

擊大破之斬萬餘級降四千餘人分置漢陽隴西

中平元年北地羌胡與邊章等寇亂隴右刺史左昌

使漢陽長史蓋勳別屯阿陽以拒賊鋒邊章進圍昌

於冀勳復帥兵救之賊解圍去

二年車騎將軍張溫出征涼州賊邊章等又使破虜

將軍董卓將兵三萬討先零羌卓於望垣北

望垣縣屬天水

郡為羌胡所圍以計全師而還

四年春三月韓遂圍隴西太守李襄如叛與連和涼州刺史耿鄙戰死賊進圍漢陽胡騎數千隨之漢陽太守傅燮死之漢陽人王國與扶風馬騰并叛

六年春二月皇甫嵩擊國破之

獻帝建安十一年秋七月武威太守張猛殺涼州刺

史邯鄲商

十八年秋七月馬超帥羌胡擊隴上諸郡縣郡縣皆

應之冀城固守

冀城屬漢陽郡及涼州刺史治焉

超兼眾攻冀城自

直隸秦州新志

卷之五

武備下

十

正月至八月別駕閔溫死之外救不至刺史常康與

太守開門納超超殺刺史太守涼州參軍楊阜與趙

昂李俊謀討超時阜外兄天水姜叙為撫夸將軍擁

兵屯歷城

歷城在縣西

安定梁寬南安趙衢內應秋九月

阜與撫夸將軍姜叙進兵入鹵城

在西縣冀城之間

昂奉據

祁山以討超

水經注祁山在嶓冢之七十里

衢譎誘超出擊與寬因

閉冀城殺超妻子超進退失據乃襲歷城姜叙母楊

氏死之楊阜與超戰超敗績奔張魯

九年春馬超益兵還圍祁山與國氏王阿貴白項

氏王千萬各帥部落萬餘從之夏侯淵張郃救祁山  
超敗走淵襲韓遂於顯親因擊長離羌羌在遂軍者  
歸救長離淵擊遂大破之進圍興國滅之白項氏王  
奔蜀其部不能去皆降曹操徙其善者分留天水南  
安界

二十年夏四月曹操征張魯至河池氏王竇茂恃險  
不服五月攻屠之既克漢中李特祖將五百餘家歸  
之操拜為將軍遷於畧陽

後漢

直隸秦州新志

卷之五

武備下

十一

後帝建興六年丞相亮攻祁山天水南安安定皆應  
漢天水參軍姜維詣亮降亮使馬謖與魏將張郃戰  
於街亭續漢志漢陽畧陽縣有街泉亭前漢謖敗績  
之街泉縣也杜佑曰街泉亭在隴縣

亮拔西縣民還漢中冬十二月亮引兵出散關糧盡  
退魏將王雙追亮亮擊斬之

九年春二月丞相亮伐魏圍祁山以木牛運魏司馬  
懿留兵守上邽帥衆救祁山亮逆懿於上邽郭淮等  
邀亮亮破之遇懿於上邽懿依險兵不得交亮引還  
懿遣張郃追亮於木門郃中流矢死木門去天水軍  
天水縣十里

十四年夏四月氏苻健降於漢

延熙十年衛將軍姜維出隴西

十三年姜維復出西平不克而還

十七年夏六月魏狄道長李簡密書請降姜維復率

衆出隴西應之

十八年夏姜維復伐魏大破雍州刺史王經於洮西

經退保狄道維圍之魏征西將軍陳泰軍上邽進兵

解圍維却住鍾題

十九年秋七月姜維復帥衆出祁山與鎮西將軍胡

直隸秦州新志

卷之五

武備下

十二

濟期會上邽濟失誓不至維與魏鄧艾爭險不克夜

趣上邽艾與戰段谷

水經注上邽之南

維敗績

晉

武帝泰始六年夏六月秦州刺史胡烈討鮮卑禿髮

樹機能敗績死之

咸寧三年春三月遣平虜護軍文鴛督秦涼諸軍討

樹機能破之

惠帝元康六年秋八月秦雍氏羌悉叛推氏帥齊萬

年僭號稱帝冬十月曲赦雍涼二州十一月遣安西



將軍夏侯俊建威將軍周處等討之十二月畧陽氏  
楊茂搜據仇池

太安二年秋秦州刺史皇甫重發隴上兵攻河間王  
顓顓遣金城太守游楷隴西太守韓稚等攻重

永興二年夏四月游楷等攻皇甫重不能克城中人  
殺重以降顓以馮翊太守張輔爲秦州刺史輔殺天  
水太守封尚又召隴右太守韓稚稚子朴擊輔輔敗  
死

懷帝永嘉四年秋漢主聰遣使拜畧陽臨渭蒲洪爲  
直隸秦州新志  
卷之五  
武備下  
三  
平遠將軍不受自稱秦州刺史畧陽公

五年夏四月南陽王模表其世子保鎮上邽秦州刺  
史裴苞拒之模使都尉陳安攻苞苞奔安定秋七月  
漢劉曜寇長安殺南陽王據長安王世子保保於上  
邽自稱大司馬承制隴右氏羌皆降之

六年秋九月涼張寶遣兵擊秦州刺史裴苞破之苞  
奔柔凶塢

愍帝建興三年春三月都尉陳安歸世子保於秦州  
保命安討叛羌保將張春伏刺安安馳還隴城

五年氏楊堅頭屯河池號右賢王

東晉

元帝建武元年春氏羌掠隴右民死者十八九

太興二年夏四月南陽王保自稱晉王改元建康上邽大

饑張春奉保之祁山陳安自稱秦州刺史應保已而

稱藩於劉曜春復奉保奔桑城已陳安退保綿諸保

歸上邽屠各路松多附之秦隴氏羌應之是年苻洪降趙

三年春正月劉曜攻路松多於草壁陷之路松多奔

隴城保為劉曜所逼遷於桑城夏五月張春楊次殺

直隸秦州新志

卷之五

武備下

十四

晉王保陳安討殺之

永昌元年春二月趙主曜擊楊難故遷隴西萬餘戶

於長安難故降曜以難故為假黃鉞武都王會曜疾

歸秦州刺史陳安叛曜掠其輜重而還遣弟集追曜

曜將呼延瑜逆擊殺集安乃還上邽隴上氏羌皆附

安安自稱大都督假黃鉞涼王休屠王石武以桑城

降趙趙以武為秦州刺史冬十二月涼張茂使將軍

韓璞取隴西南安之地置秦州南陽王保既死陳安不能取之

明帝大寧元年夏六月陳安圍趙征西將軍劉貢於

南安曜秦州刺史石武將攻上邽安懼趣歸武貢合擊安大破之安走保隴城留將宋亭守上邽秋七月趙主曜自將圍隴城遣兵圍上邽安出戰輒敗右軍將軍劉幹攻平襄克之隴上諸縣悉降趙安留其將楊伯支等守隴城帥精騎突圍奔陝中曜遣將呼延清追之獲安於澗曲殺之楊伯支以隴城別將宋亭以上邽皆降曜徙秦州大姓楊姜諸族二千餘戶於長安氏羌皆降曜曜以羌酋姚弋仲爲平西將軍平襄公曜自隴上西擊涼州自將戎卒營河上張茂遣直隸秦州新志

卷之五

武備下

五

使降

成帝咸和二年夏涼張駿去曜官號復稱晉大將軍遣將攻掠趙秦州諸郡曜遣將擊敗之復遣將發氐羌之衆屯於秦州

三年後趙石勒將石虎攻氐帥蒲洪於隴山降之

四年春正月趙太子熙南陽王胤奔上邽

熙聞趙主曜破擒大

懼與胤謀西保秦州尚書胡勳諫胤怒斬之遂西奔

秋八月趙南陽王胤自上

邽趣長安後趙公虎大破趙兵胤奔還上邽虎追擊之上邽潰執太子熙及胤殺之及其將王公卿牧以

下三千餘人徙其臺省文武閑東流民秦雍大族九千餘人於襄國秦隴悉歸後趙氏蒲洪羌姚弋仲俱降於虎

七年秦州休屠王羌叛於石勒刺史臨深遣司馬管光帥州軍討之為羌所敗隴右大擾氏羌悉叛勒遣石生據隴城王羌兄子摧與羌有仇生乃賂摧與倚擊之羌敗奔涼州徙秦州夸豪五千餘戶於雍州

八年後趙石宏將石生自稱秦州刺史稱藩於晉冬十月生遣將軍郭權拒趙挺破之鮮卑潛與石虎通

直隸秦州新志

卷之五

武備下

六

謀反擊生遂匿於鷄頭山上祿關東權奔隴右虎滅生

復遣將討蒲洪

以洪西附張駿也

降之十二月郭權據上邽

遣使降涼新平北地皆應之

九年春三月趙丞相虎遣將擊郭權夏四月上邽豪

族殺權降虎虎徙秦州三萬餘戶於青并州

穆帝永和六年冬十一月趙涼州刺史石寧據上邽

不下十二月秦苻雄擊殺之秦雍夏夸皆降秦苻健

八年秋七月趙故西中郎將王擢請降遣使拜擢秦

州刺史冬十月秦丞相苻雄攻王擢於隴西擢奔涼

涼張重華以擢爲征虜將軍秦州刺史

九年春二月張重華遣將會王擢伐秦敗績擢奔姑臧秦以領軍將軍苻願爲秦州刺史鎮上邽秦州郡縣多應之夏五月重華復攻上邽拔之使王擢襲秦州取之

十年夏六月司馬勲掠秦西郡涼秦州刺史王擢應之秦丞相雄擊勲勲奔還漢中冬十月涼遣秦州牛霸擊擢擢降秦秦以擢爲尚書以啖鐵爲秦州刺史仇池公

直隸秦州新志

卷之五 武備下

七

升平三年春二月秦平羌護軍高離據略陽叛秦州刺史啖鐵等討平之

帝奕太和元年冬十月羌歛岐以畧陽四千家歸李儼

二年春正月秦輔國將軍王猛揚武將軍姚萇等討歛岐三月涼張天錫遣將討儼岐岐部落聞姚萇至皆降萇

部落先屬弋仲者

猛遂克畧陽岐奔白馬夏四月邵

羌擒歛岐於白馬送猛猛與天錫相待於城下邵旣擒岐猛遣天錫書曰吾受詔救儼不令與涼州戰天

錫謂諸將曰吾本來伐叛不來戰秦遂歸時李儼猶  
憑城未出王猛白服乘輿從者數十人請與相見儼  
開門延之遂執儼冬十月秦秦州刺史苻雙據上邽  
反苻武據安定應之秦遣使諭之不從遣兵討之  
三年春正月秦王堅遣楊成世討上邽二月楊成世  
與雙將苟興戰成世敗績秦復遣武衛將軍王監寧  
朔將軍呂光等討之夏四月雙至榆眉呂光擊破之  
雙武奔上邽秋七月王監等拔上邽斬雙武秦以左  
衛將軍苻雄爲秦州刺史

直隸秦州新志

卷之五

武備下

六

簡文帝咸安元年春二月秦以秦州刺史侯雅爲都

督秦州牧

雅西  
縣人

三月秦秦州牧侯雅及姚萇等帥師

伐仇池與楊纂戰於鷲峽

在仇池  
縣北

纂敗績冬十二月

徙涼州治金城

自天水徙  
治金城

秦王統攻隴西鮮卑乞伏

司繁司繁拒統於苑川統襲司繁司繁部落皆降司

繁亦降

苑川水經注在  
天水勇士縣界

孝武寧康元年冬鮮卑勃寒掠隴右秦使乞伏司繁

討之勃寒降秦以司繁鎮勇士川

卽漢天水  
勇士縣地

太元六年秋九月秦以左禁將軍楊璧爲秦州刺史

使驍騎將軍呂光爲使持節都督西域征討諸軍事  
伐西域冬十二月乞伏步顏據隴西叛秦秦遣乞伏  
國仁討之國仁遂與之合

九年姚萇懼苻堅誅之奔渭北西州豪族尹詳等推  
萇爲盟主萇將拒之天水尹縉說萇萇乃自稱秦王  
十年秋九月乞伏國仁自稱秦州大都督大將軍秦  
河二州牧改元建義置安固漢陽天水畧陽甘松白  
馬苑川等十二郡築勇士城都之冬十一月秦主丕  
會秦州刺史王統等擊後秦時苻堅死堅衛將軍楊  
直隸秦州新志

卷之五

武備下

十九

定將家奔隴右尋徙治歷城置倉儲於百頃自稱龍  
驤將軍仇池公遣使稱藩詔假之後又取天水畧陽  
之地自稱秦州刺史隴西王

十一年秋八月後秦姚碩德自隴上自稱征西將軍  
以應兄萇以兄孫詳爲安遠將軍據隴城從孫訓爲  
安西將軍據赤亭與秦秦州刺史王統相持萇會碩  
德攻統天水屠各畧陽羌胡應之秦畧陽太守王皮  
降之九月秦王統以秦州降於後秦後秦以姚碩德  
爲使持節都督隴右諸軍事秦州刺史鎮上邽久十

月後秦主萇自上邽還安定秦南安王登進攻姚碩德於秦州後秦主萇救之登與萇戰於胡奴阜上邽西

大破之將軍啖青射中萇萇走保上邽姚碩德代之統衆

十四年秋九月後秦主萇使姚碩德置秦州守宰以

從弟常戍隴城邢奴戍冀城姚詳戍畧陽楊定攻隴

冀克之斬常執邢奴詳棄畧陽奔陰密定自稱秦州

牧定後為西秦乞伏所殺天水姜乳復襲據上邽

十七年冬十二月休官權小城據顯親自稱秦州牧

十八年苻登與姚萇將姚崇爭麥於清水累為崇所

直隸秦州新志 卷之五 武備下 二十

敗

十九年秋七月後秦主興討叛將強熙熙奔秦州冬

十月西秦王乾歸逐秦主苻崇崇出奔乾歸盡有隴

西地

二十年夏四月西秦王乾歸遣乞伏益州討姜乳至

大寒嶺直上邽西

二十一年冬十一月鮮卑越質詰歸叛西秦降於後

秦秦處之成紀拜鎮西將軍平襄公後秦隴西王碩

德攻姜乳于上邽乳降秦以碩德鎮上邽強熙及畧



陽豪族權干成帥兵圍上邽碩德擊破之熙奔仇池  
碩德西擊干成於畧陽干成降

安帝隆安元年春正月涼王呂光遣將竇苟伐乞伏  
乾歸戰於街亭涼兵敗績

四年夏五月後秦隴西公碩德伐西秦西秦王乾歸  
拒之秋七月乾歸遣將斷秦樵采秦王興自救之乾

歸使慕容元屯伯陽

伯陽天水郡縣  
名後更名秦嶺

比與秦戰敗績走

歸死川

元興元年春二月魏人襲沒奕干干棄其部衆率數

直隸秦州新志

卷之五

武備下

二

千騎與赫連勃勃奔於秦州魏軍次進瓦亭夏五月  
後秦以沒奕干權鎮上邽

義熙元年冬十一月西秦乞伏乾歸伐仇池仇池公  
楊盛大破之

二年夏六月秦姚碩德自上邽朝長安旋歸上邽赫  
連勃勃殺高平公沒奕干收其衆以叛姚興

三年乞伏乾歸遣其子熾磐討論薄地延降之徙其  
部落於苑州

六年春二月夏勃勃寇隴右攻白崖堡破之遂趨清

水後秦畧陽太守姚壽都棄城奔秦州勃勃徙其民萬六千戶於大城秦王興先自安定追之不及而還西秦王攻秦略陽克之徙其民於苑川

七年春正月後秦使太尉索稜招撫隴右乞伏乾歸

謝罪請降秦拜乾歸河南王秋八月乾歸攻秦畧陽

太守姚龍於栢陽克之栢陽即伯陽又征西羌彭利髮利

髮棄衆南奔遣將追及清水斬之

八年春仇池楊盛擾祁山姚興遣秦州刺史姚嵩等

分道伐之自將輕騎與諸將會於隴口諸將為盛所

直隸秦州新志



卷之五

武備下

三

敗興乃還

九年春三月西秦王乞伏熾盤遣將擊顯親休官權

小城等於隴西斬之隴右休官悉降後秦太尉索稜

以隴西降西秦

十一年春三月後秦王興命廣平公弼將三萬人鎮

秦州秋七月西秦以秦州刺史曇達為尚書令王招

為光祿勳為秦州刺史冬十一月西秦以王孟保為

畧陽太守鎮赤水

十二年夏四月西秦襄武侯曇達等擊後秦秦州刺

史姚艾於上邽破之徙其民五千餘戶於抱罕六月  
氐王楊盛攻秦祁山拔之進逼秦州秦後將軍姚平  
守將姚嵩救祁山盛引兵退平與嵩追之及於竹嶺  
姚讚率隴西太守姚秦都畧陽太守王煥以禁兵赴  
之讚至清水嵩已敗嵩及秦都王煥皆戰死夏赫連  
勃勃聞姚嵩與楊盛相持率騎四萬襲上邽盛已破  
嵩勃勃攻上邽二旬克之殺泓秦州刺史姚平都及  
將士五千人毀城而去冬十一月西秦王熾磐使秦  
州刺史王松壽鎮馬頭以逼上邽

直隸秦州新志

卷之五

武備下

三

十三年冬十月西秦擊後秦將姚艾艾稱藩西秦以  
艾爲征東大將軍秦州牧徵王松壽爲尚書右僕射  
宋

高祖永初二年春正月西秦王熾磐遣將攻上邽夏  
平原公赫連定奔上邽

文帝元嘉三年秋西秦攻涼夏襲秦苑川秦師還

四年六月魏破赫連昌昌將麾下數百騎西南走奔  
上邽昌弟平原公定拒司空奚斤於長安城娥青率  
騎五千討之亦西走上邽

五年春二月秦雍氏羌皆叛赫連昌魏將尉春攻昌於上邽執以歸

七年冬十月夏赫連定遣常代攻西秦於南安西秦王乞伏慕末請降於魏魏許之乃帥五千如上邽十一月魏將古弼擊夏赫連定定中削單騎走保上邽定從兄東平公乙升棄安定奔長安畧數千家西奔上邽

八年夏夏滅西秦以秦王慕末歸殺之

九年夏六月赫連定西遷氏王楊難當據上邽以其直隸秦州新志

卷之五 武備下 齒

子順爲秦州刺史守上邽

十年秋九月魏遣史持節拜難當爲征南大將軍秦涼二州牧南秦王難當奉表謝罪於宋詔赦之

十二年魏遣楊保宗襲上邽難當子順失守

十三年春三月難當自稱大秦王改元建義置百官秋七月魏遣樂平王丕尚書令劉潔討難當

以前據上邽也

九月丕等至畧陽難當懼請攝上邽守兵還仇池

十六年春三月楊保宗歸魏魏以保宗爲都督隴西諸軍事征西大將軍秦州牧鎮上邽妻以公主冬十

二月楊難當攻魏上邦

十九年夏楊難當叛宋宋詔龍驤將軍裴方明討破之難當奔上邦獲其子保熾秋七月魏詔將軍建興公古弼督隴右諸軍及殿中虎賁與武都王楊保宗等從祁山南入邀宋將裴方明歸路

二十年十一月宋將軍姜道盛與楊文德合衆攻魏濁水戎魏皮豹子等救之道盛敗死

二十二年夏四月魏主遣秦州刺史封敕文擊吐谷渾什歸於抱罕八月封敕文入抱罕徙其民千家還

直隸秦州新志

卷之五

武備下

五

上邦

二十三年春二月魏金城邊回天水梁會據上邦東城反攻逼西城刺史封敕文却之氏羌萬餘人休官屠各萬餘人皆應回會敕文擊回斬之會棄東城走敕文乃告會衆降者赦之會衆潰分兵追討悉平之略陽王元達因梁會之亂聚衆屯松多川敕文討平

水經注松多川在隴山西  
南流逕隴縣南注秦水

二十九年魏隴西屠各叛討平之

孝武帝大明二年十月將軍殷孝祖修兩城於清水

東魏鎮西將軍封敕文等來爭

元魏

自宋孝武後秦州事無預二左者故從便用魏年號記事

孝文太和元年春正月畧陽氏王元壽聚眾稱王二月秦州刺史尉洛侯擊破之

十七年秋九月秦州民王廣起兵應北地民支酉攻執刺史劉藻秦雍七州皆震

宣武帝正始三年春正月秦州屠各王法智聚眾二千推主簿呂苟兒為主僭改元建明夏六月安西將軍擊王法智破之秋七月呂苟兒帥眾十餘萬屯孤

直隸秦州新志

卷之五

武備下

六

山圍逼秦州

孤山在上邽

元麗進擊大破之行秦州事李

韶襲孤山苟兒詣麗降

永光三年二月壬子秦州沙門劉光秀謀反州郡捕斬之癸亥秦州隴西羌殺鎮將趙儁阻兵反叛州軍討平之

孝明帝神龜元年春正月秦州羌反

正光二年冬十一月以秦州刺史河間王琛為行臺以討反氏

五年夏六月秦州民薛珍等突入州門殺州刺史李

彥推莫折大提爲帥大提自稱秦王遣雍州刺史元志討之南秦州民張長命等攻殺刺史崔遊以城應大提大提遣其黨卜胡襲高平克之殺鎮將赫連略大提尋卒子念生自稱天子置百官僭改元天建秋七月遣將討莫折念生念生遣其都督楊伯年樊元張明等攻仇鳩河池二戍東益州刺史魏子建遣將擊破之八月遣都督元志討念生軍敗退守岐州爲賊所圍城陷志與岐州刺史裴芬之別將楊公熙皆爲賊擒送於上邽爲念生所害九月遣齊王蕭寶寅直隸秦州新志

卷之五

武備下

七

討念生

孝昌元年春正月念生屯黑水岐州刺史崔延伯擊破之追奔至小隴

二年秋九月天水民呂伯度始共念生同逆後與兄衆聚顯親以討念生戰敗降於梁胡琛琛以爲大都督秦王資以士馬擊念生屢破之乃復叛琛東引魏軍復據顯親念生窘迫乞降於蕭寶寅寶寅使行臺左丞崔士和據秦州大都督元修義停軍隴口久不進念生復反執士和送胡琛殺之久之伯度亦爲万

侯醜奴所殺賊勢益盛寶寅不能制

三年秋九月秦州民杜粲殺念生自行州事冬十二月秦州刺史駱超殺杜粲

孝莊帝永安三年夏六月万俟醜奴反其行臺万俟

道洛戰敗都督爾朱天光追之不及道洛遂走入隴

歸畧陽賊帥王慶雲慶雲以道洛為大將軍秋七月

天光帥兵入隴右慶雲道洛出水洛城拒戰天光擒

之乃頓軍略陽秦州刺史駱超走歸天光因州民欲殺之也

孝武帝永熙二年秦州刺史侯莫陳悅害行臺賀拔

直隸秦州新志

卷之五

武備下

六

岳夏四月夏州刺史宇文泰引兵上隴討悅悅退保

畧陽泰遣騎趣畧陽悅退保上邽召南秦州刺史李

弼與拒泰弼陰遣使詣泰請內應悅棄州城南保山

險弼諭所部趣上邽遂舉城降泰泰即以弼為秦州

刺史泰入上邽衛將軍趙貴行秦州事秦隴定泰以

李弼為秦州刺史

西魏

文帝大統七年羌公定入寇獨孤信時鎮隴右討破

之



九年夏四月清水氏酋李鼠仁作亂隴右大都督獨孤信屢擊之不克丞相秦遣典籤趙昶諭之鼠仁降隋

文帝開皇二年冬十二月突厥寇天水諸郡六畜咸盡

三年夏五月以河間王宏等爲元帥出塞擊敗之

煬帝大業九年奴賊寇隴右盡掠牧馬遣元宏嗣擊之

十三年恭帝義寧元年春三月隴右盜起薛舉盡有隴西之

直隸秦州新志

卷之五 武備下 元

地聚衆至十三萬自稱西秦霸王夏六月自稱秦帝使其子仁越掠河池蕭瑀拒却之使仁果圍秦州克之遂自金城徙都秦州十二月丞相李淵使姜暮竇軌出散關安撫隴右漢陽諸郡相繼來降姜暮竇軌至長道爲舉所拒引還河池太守蕭瑀以郡降

唐

高祖武德元年夏六月秦主舉侵唐涇州秋七月唐秦王世民與秦主舉戰於高塘敗績八月薛舉卒子仁果立秦州總管竇軌擊薛仁果不利冬十一月秦

王世民敗仁杲降之以員外散騎常侍姜暮爲秦州刺史

五年秋八月突厥頡利寇邊命秦王世民出秦州道禦之

九年夏五月突厥寇秦州秋七月遣右衛大將軍柴紹破突厥於秦州斬特勒一人士卒四千餘級

武后萬歲通天元年契丹入寇詔許欽寂爲隴山軍討擊副使

聖歷元年突厥默啜剽隴右牧馬萬匹去

直隸秦州新志

卷之五

武備下

三

久視元年十二月突厥寇隴右

元宗開元二年秋八月吐蕃寇隴西詔隴右道發兵禦之

五年夏四月隴右節度使郭知運大破吐蕃於九曲  
肅宗乾元元年吐蕃寇秦州

代宗寶應元年秋七月吐蕃八大震關陷岷秦成渭等十州盡取河西隴右之地冬十一月鎮西節度使馬璘擊吐蕃退居原渭之地

德宗建中四年春正月隴右節度使張鑑與吐蕃尚

統質盟於清水夏四月上命宰相尚書與吐蕃區頰贊盟於豐邑里區頰贊以清水之盟疆場未定不果盟

宣宗大中三年春二月鳳翔節度使崔珙破吐蕃克

清水秋七月鳳翔節度使李玘取秦州本紀稱吐蕃以秦原安樂

三州歸於有司又吐蕃傳言邠寧節度使張欽緒收秦州言各互異

懿宗咸通七年冬十月拓跋懷光擒恐熱其部衆奔秦州尚延心邀擊破之

僖宗廣明元年黃巢陷京師僖宗幸蜀河東監軍陳

直隸秦州新志

卷之五

武備下

三

景思私還代州益募士三萬屯隴西

昭宗景福二年冬十月李茂貞盡有鳳翔與元洋隴

秦鳳十五州

天復二年秋七月孔勅取成隴州至秦州

三年夏四月西川節度使王建攻秦隴

後梁

昞乾化元年秋八月蜀城西縣號安遠軍岐王使劉

知俊擊蜀知俊與王宗侃戰於青泥嶺在長舉縣蜀兵敗

績宗侃走保安遠軍節西縣九月蜀主命將救安遠軍

冬十一月援兵至安遠王宗侃出攻岐兵遁去岐節

度使李繼崇居劉知俊於秦州繼宗時鎮秦州

璵貞明元年秋八月蜀主遣制置使王宗儔等攻岐

取秦州岐秦州節度使李繼崇降蜀劉知俊亦奔蜀

四年夏六月蜀主命招討副使王全昱殺天雄節度

使唐文裔於秦州以王承休代之

後唐

莊宗同光三年秋九月伐蜀王承休自秦州赴援安

重霸留守冬十一月唐軍已破蜀重霸亦以秦成階

直隸秦州新志 卷之五 武備下 三

三州降

後晉

齊王開運元年春二月蜀人攻階州三月秦州兵救

階州敗蜀兵於西平

後漢

高祖乾佑元年春正月蜀宣徽使韓保貞要雄武節

度使何重建俱西保貞至秦州重建遂以秦成階三

州附於蜀攻下鳳州

後周

世宗顯德二年春二月詔王景與向訓趣秦州伐蜀  
閏九月向訓克秦州蜀雄武節度使韓繼勳先棄秦州遁歸判官趙玘舉城降時王環爲蜀守秦州攻之久不下後力屈乃降世宗嗟其忠

宋

太祖建隆三年六月蕃部尚波千等爭採造務以兵犯渭北知秦州高防擊走之

開寶八年秦州大石小石族寇土門畧居民知州張炳擊走之

太宗太平興國二年春三月秦州安家族寇長山巡

直隸秦州新志

卷之五

武備下

三

檢使常福擊走之因命福與馬知節田仁郎周承瑨王侁梁崇贊劉文裕屯兵清水秋七月曹瑋攻敗吐蕃築清水城及四砦

三年春三月秦州諸族數來寇畧三陽麻穰弓門等砦監軍巡檢使周承瑨任德明耿仁恩等會兵擊敗之又寇八狼砦巡檢劉崇讓擊敗之梟其帥王泥猪首夏四月秦州判官李若愚子雄飛矯制乘驛至清水縣縛都巡檢周承瑨及劉文裕馬知節等七人將劫守卒據城爲叛文裕覺其詐禽縛飛雄按之盡得

其狀詔誅之及其父母妻子同產六月秦州清水監軍田仁朗擊破西羌斬獲甚衆

淳化元年秦州大小馬家族獻地內附

五年知秦州溫仲舒上言每歲伐木多爲蕃族攘奪今已驅其部落於渭北

真宗咸平六年六月隴山西首領禿通等貢馬願附大兵擊李繼遷

大中祥符三年趙德明攻秦州緣邊熟戶

九年三月以秦州曹瑋撫捍蕃境得宜詔嘉之秋八月瑋大敗吐蕃斬首千餘級自是唃廝囉勢蹙退保磧中不出

直隸秦州新志

卷之五

武備下

三

天禧元年二月秦州神武軍破宗哥族馬波叱臘等於野吳谷多獲人馬十一月曹瑋平鬼留家族

仁宗皇祐五年七月秦鳳路總管劉煥等破蕃部斬二千餘級

嘉祐八年秋夏人出兵秦鳳抄熟戶擾邊塞弓箭戶殺掠人畜

神宗熙寧二年春二月夏人寇秦州陷劉溝堡殺守

將范愿巡檢劉惟吉敗之

哲宗元祐二年秋七月夏人攻鎮戎軍諸堡劉昌祚等禦之而退

三年春三月夏人攻德靖砦諸將米贊郝普戰死詔劉昌祚以涇原萬人駐德順軍熙河五千人駐通遠軍據秦鳳要害以爲犄角夏人遂攻龕谷砦砦兵及東關堡巡檢戰死者幾百人

元符二年三月吳名革率部族孳畜歸順

徽宗崇寧四年正月秦鳳蕃落獻邦潘疊三州

直隸秦州新志

卷之五

武備下

三五

高宗建炎二年正月金人陷秦州經畧李復降之四月隴右都護張巖及金人戰於五里坡敗績死之五月曲端乘虜去復下秦州

三年張浚巡撫川陝辟劉子羽叅議軍事至秦州立幙府節度諸將

四年張浚兵敗於富平退保秦州劉子羽復以單騎至秦州召諸亡將悉來會先是曲端勸浚勿戰浚聽讒下端秦州獄至是端故將李彥琪等相繼降金犯秦州

紹興元年春正月金人犯秦州吳玠擊敗之復入鳳州郭浩與吳玠往援却之二月同州觀察副使劉惟輔棄德順軍輸款於夏夏人不受夏六月張浚承制以吳玠爲諸路都統制又使劉子羽留河池調護諸將冬十月僞齊秦鳳經畧使郭振以數千騎掠白石鎮關師古王彥併兵大敗之獲振復秦州

二年吳玠以秦鳳經畧使戍河池春三月庚子金人攻方山原陝西統制楊政援之引去辛丑復犯隴安縣吳玠擊走之甲寅復自水洛城來攻楊政等又敗直隸秦州新志

卷之五

武備下

三

之冬十二月金人侵熙秦關師古擊敗之三年金人欲窺蜀先以李彥琪駐秦州綴吳玠河池之師春二月金帥撒离曷克饒風關入興元吳玠退屯仙人關秋九月吳勝克蓮花城

四年春二月庚寅金人犯兩當縣辛丑金人犯仙人關三月辛亥朔吳玠率楊政吳玠田晟王喜諸將與兀朮戰於仙人關大敗之兀朮遁去追至河池而還四月盡復鳳秦州八月吳玠遣統領姚仲攻隴城縣克之十一月吳玠遣統制楊從儀等率兵敗金人於



臘家城十二月吳倫遣兵攻臘家城破之  
五年閏二月撒離曷欲犯秦州吳玠遣部將牛皓伺  
之遇於瓦吾谷戰死已復遣楊政擊敗之  
七年正月吳璘奏西蕃三十八族首領趙繼忠等來  
歸用可扼西夏右臂

九年夏六月樓炤承制以吳璘爲秦鳳經畧使  
十年夏五月金人陷同州宣撫胡世將居河池遣楊  
政由赤谷歸河池金人不敢度隴閏六月以吳璘爲  
鎮西節度使

直隸秦州新志

卷之五

武備下

三七

十一年金人內侵宣撫使胡世將召郭浩吳璘楊政  
會仙人原使吳璘駐秦州郭浩出南州楊政出和尚  
原破之秋九月吳璘復秦州州將武誼降金將屯劉  
家園璘破之進次剡家灣以疊陣法更迭戰士殊死  
鬪金人大敗降者萬人胡蓋走保臘家城璘圍而攻  
之城垂破詔班師璘卽自臘家城還

臘家城在今秦  
安縣東十里

十二年秋八月鄭剛中分畫陝西地界割商秦之半  
畀金國存上津豐陽天水三縣及隴西成紀餘地棄  
和尚方山二原以大散關爲界

三十一年秋七月金張中彥王彥章據秦鳳窺巴蜀  
九月吳璘遣將劉海復秦州冬十月吳璘遣統制吳  
挺向起等及金人戰於德順軍之治平砦敗之金人  
攻秦州向起吳挺擊却之十一月癸未吳璘病自仙  
人原還興州戊子吳璘復力疾上仙人原

三十二年春二月興元都統制姚仲攻鞏州不下退  
守甘谷城遂引兵圍德順軍閏月姚仲攻德順軍敗  
金人於瓦亭砦新店三月戊申吳璘復德順軍甲寅  
吳璘自德順復還河池五月吳璘自河池如鳳翔巡

直隸秦州新志

卷之五

武備下

三

邊六月吳璘自大幽嶺檄召姚仲至軍前下河池獄  
命夔路安撫使李師顏代將其兵八月己丑吳璘與  
金人戰於德順軍甲申吳璘敗金人於北山十月金  
人攻德順城吳璘擊走之復遣兵追襲遂爲所敗十  
二月金人攻隴城縣官軍拒却之詔棄德順城徙兵  
民於秦州以裏屯住

孝宗隆興元年正月詔吳璘軍進退可從便宜璘已  
棄德順道爲金人所邀將士死者數萬計

二年冬十月金人遣使欲得商秦地十一月割商秦

地歸於金

寧宗開禧二年韓侂胄欲用兵四月遣兵攻天水界入東柯谷爲金將劉鐸所敗秋七月吳曦遣楊雄李珪入秦州金完顏承裕破斬之冬十月金蒲察貞出成紀陷天水十一月金人攻湫池堡破天水吳曦在河池置不問十二月金人犯西和戰方急吳曦傳令退保黑谷軍遂潰乃焚河池退壁青野原

三年正月吳曦叛於河池引金兵入鳳州以階成和鳳四州付金表鐵山爲界三月安丙遣忠義統領張直隸秦州新志

卷之五

武備下

三

羽復鳳州夏五月安丙遣李好義率步騎三萬攻秦州圍皂郊堡與金木虎高琪戰敗績

嘉定元年夏六月和議成金人來歸秦隴地

七年正月丁卯朔四川制置司遣提舉皂郊博馬務何九齡率諸將及金人戰於秦州城下敗還

八年夏四月秦州人唐進與其徒何進等引衆十萬來歸

九年秋九月金完顏益都攻皂郊堡

是年金宣宗貞祐四年四月金

陝西行省報秦州官軍破妖賊趙用劉高二之捷

十年十二月金完顏贊以步騎萬人犯四川戊辰迫  
湫池堡己巳天水軍守臣黃炎孫遁金人攻白環堡  
陷之

十一年春正月戊子金人圍皂郊堡壬辰利州將麻  
仲率忠義人焚秦州永寧砦二月乙巳沔州都統王  
大才馬蹶死於河池丙午金阿鄰入皂郊堡死者五  
萬餘人三月王逸帥四川忠義人十萬復皂郊追金  
阿鄰斬之併斬其統軍完顏贊進攻秦州至赤谷口  
沔州都統劉昌祖命退師且放散忠義人軍遂大潰  
直隸秦州新志

卷之五

武備下

罕

金包長壽復攻皂郊四月遂趨西河陷之連陷成階  
州及河池河池守將楊九鼎亦焚城遁興元都統吳  
政敗之乃毀諸險隘而去

十二年正月庚辰金犯湫池堡守將石宣拒退之甲  
申金人攻白環堡守將董焯拒退之戊子金人犯成  
州沔州都統張威自西和州退守仙人原辛卯金人  
焚成州犯河池守將張斌遁去

十三年九月乙未宣撫安丙會夏人攻金命沔州都  
統張威出天水利州都統程信出長道己亥張威下

令所部毋擅進兵庚戌金人犯皂郊堡沔州統制董  
炤等與戰大敗壬子程信及夏人攻鞏州不克信引  
兵趨秦州十月丁巳朔程信邀夏人共攻秦州夏人  
不從信遂自伏羗城引軍還

十五年秋七月蒙古木華黎令蒙不花引兵出秦隴  
伐金

理宗寶慶二年蒙古征西夏及秦州夏人盡撤橋梁  
軍不得前宣撫王楫夜督士卒運木石及曉橋成軍  
乃進

直隸秦州新志

卷之五 武備下

四

三年六月蒙古太祖次清水縣西江攻金陝西德順  
秦州清水等城其將趙按竺邇駐兵秦州

紹定四年蒙古拖雷分兵由山南入金境按竺邇爲  
先鋒趨散關宋人已燒絕棧道復由兩當縣出魚關  
入武休破興元遂侵仙人關八月制置趙彥呐委叅  
議高稼繕守仙人原北兵入彥呐登原督戰知天水  
軍曹友聞來救皆力戰却之十月北兵入鳳州畧河  
池友聞部分諸將却之北兵入沔州至大安又分軍  
自嘉陵江木皮口突出宋將何進敗死曹友聞遣白

再興趣鷄冠隘蒙古攻陽平關不克還攻隘再興等  
力戰乃解

端平二年春蒙古太宗遣其子闊端等寇秦鞏冬十  
月闊端入成都招諭秦鞏等二十餘州皆降於蒙古  
三年九月曹友聞扼仙人關北兵衝大安制置使趙  
彥呐檄友聞援之友聞復遣其弟萬守鷄冠隘友聞  
親馳至隘下設伏會大雨戰敗與萬俱死之  
寶祐六年十月蒙古憲宗渡嘉陵江至白水江  
元

直隸秦州新志

卷之五

武備下

四

順帝至正十七年賊出自巴蜀陷秦隴

十八年四月張良弼據秦州

二十七年六月秦州守將蕭公達降於李思齊

明

太祖洪武二年夏四月徐達度隴清水知縣鐵木罕  
巴北竄士民迎附克秦州元守將呂國公道都督陳  
德追禽之秋七月各州縣俱歸附

三年大將軍徐達石丞梅思祖帥師自秦州又自徽  
州南一百八渡至畧陽

四年春正月潁川侯傅友德等率步騎由秦隴伐夏明昇五月滅夏夏文州守將丁世貞復集餘衆圍秦州尋爲其下所殺

英宗正統九年秋套虜寇秦州秦安等處嘯騎東至清水張家川其日五夜虜騎同肆掠及還我兵邀擊之所掠多棄去

憲宗成化九年套寇深入直抵秦州

武宗正德七年蜀盜攻陷徽州城邑焚掠殆盡

是時徽無

城郭又人不知兵故遭其慘分巡僉事李璋招撫散民併道屬衛卒始議修築

直隸秦州新志

卷之五

武備下

四三

八年夏六月蜀盜復至徽州南鄙按察司僉事李璋帥三衛兵迎擊破之

嘉靖四年隴東流賊百餘流至秦安邑令張繼先督民兵戰於東隴谷執之

五年流賊百餘據秦州桃花山以叛指揮尹謨知州王卿討平之

十四年階州猓賊馬興犯徽州殺指揮王煦秋七月巡撫都御史黃臣駐節秦州遣叅將崔嵩韓選白浹指揮种繼討之遇賊於石門大敗之斬興於陣

二十一年秋九月北地地... 遮掠清水縣境  
... 潮捕斬之

三十五年春二月清水... 人郝化以妖術惑眾  
... 上可欲遣兵抄沒一邑... 知縣龐禮屢請寢兵  
... 賊自任誅化等為首者十餘人餘黨解散邑人  
... 全保

二十八八年秋七月囉賊寇掠清水縣典史喬學中流  
... 賊

歷十五年春二月囉賊馬友忠以千人嘯聚  
... 州新志  
... 卷之五  
... 武備下  
... 四

石洞出知縣李思率民兵擊之斬首二十餘  
... 賊走

四年十二月兩當民變殺知縣牛得用

元年十月漢南賊大梁王從兩當逼畧陽

五年賊紅軍友等從長寧驛西奔副將蔣一陽值賊  
於清水縣矢亡數百人把總徐承斌陣歿都司李官  
... 賊赴張家川總兵曹文詔遊擊曹變蛟追破

七年三月流賊... 一斗穀老回回蝎子塊等寇



秦州登西關城適大雨如注民各奮勇敗之總督洪承疇以是月二十二日至秦州調兵防守賊合兵入兩當大肆焚掠復向漢中六月張應昌自清水追賊敗績閏八月賊再聚臨鞏汧隴間承疇督兵搜勦復由徽州入兩當殺署知縣車允賢典史李統焚公私廬舍屠居民

八年二月流賊轉入秦鞏攻秦州東關城垂陷兵巡道遣戍兵敗之過禮縣殺畧千計總兵孫顯祖敗別賊於三陽川五月賊在汧隴官軍分路追擊賊大勢直隸秦州新志

卷之五 武備下

四

復向秦安清水秦州間六月總兵張全昌副將賀人龍至清水之張家川斬賊百六十餘級九年五月洪承疇遣總兵柳紹宗從徽州往畧陽勦李自成又遣兵往徽州扼之七月自成復犯徽州過兩當殺知縣王鼎鉉

十年四月賊小紅娘圍漢中洪承疇部勒賀人龍由兩當往救

十一年春蜀寇復由徽州以返秦三月洪承疇逐李自成前驅至禮縣覘知自成自洮州出蕃地遣總兵

曹變蛟追破之賊復入塞走西和禮縣

十三年冬十月囉賊馬流寇掠清水湯峪舖知府喬遷高追之圍於觀音殿燒殺之鄉民與其難

十四年流賊寇秦州西関賂州快守柴羔爲內應事洩會大雨貢生李芝率民兵逐之尋誅羔清水張家川民胡景鰲等聚衆數千人作亂知府喬遷高誘殺之攻其黨於任家堡賊衆悉平

十五年秋七月流賊一斗穀以萬餘人攻清水縣城三日不克去之

直隸秦州新志

卷之五 武備下

四

十六年冬十一月李自成遣賊帥袁宗弟劉體純取秦州本府通判朱廷璋署州事死之是月也征賊牛鎮守等敗反以數萬人攻清水縣城十五日不克去之

皇清

順治元年

卽崇正十七年

正月闖賊餘孽武大定入秦州東

関指揮于光耀守備雷蛟率民兵驅出又賊帥高有功領兵數萬圍北城當夜賊衆見一人身高丈餘冕旒黃袍來往城頭次早于光曜發大砲殲賊數十人

賊敗去抵三陽川樊家城攻堡搶掠

二年夏四月肅王帥大兵征秦隴僞清水知縣丁圖昌迎降遣叅將王元安撫秦州

三年賊武大定盤踞仇池山肅王統京兵攻取駐秦州一載是年秋八月北地賊遞掠清水亭子舖知縣孫鏡率民兵攻之不克千總傅梅死之

又流寇黎馬賀王等陷徽縣城肆殺掠總督孟喬芳討平之

十四年冬十一月北地賊遞掠清水西二十里舖知

直隸秦州新志

卷之五

武備下

四

縣陳加論率民兵攻之不克千總李隆吉中流矢十五年秋七月北地賊遞掠清水西五里舖遊擊于邁引兵追之知縣姚之淵率民兵助之圍於地龍溝賊潰圍而出

康熙二年春二月北地賊楊老漢等遞掠清水白沙坡遊擊耿文裕引兵追之戰於弓門鎮敗績知縣孔述益率民兵追之戰於主山獲賊一點油等三人

十三年五月吳三桂反雲南遣僞總兵郝龍陸道清據秦州冬十二月平涼提督王輔臣率總兵蔡元副

將白光勇等叛應之

十四年春正月白光勇陷清水縣城三月貝勒王帥  
大兵踰隴山討平之已至秦州貢生田碩等率衆降  
賊驚怖夜遁我揚威將軍阿振武將軍馮靖逆侯張  
勇勇畧將軍趙良棟奮威將軍王進寶等屯兵秦州  
秦民安堵如故

直隸秦州新志

卷之五 武備下 四

直隸秦州新志卷之五武備下終